

# **“SavingId”-sonli MILLIY VALYUTADAGI MUDDATLI TO‘LDIRILADIGAN OMONAT SHARTNOMASI (qisman yechib olish bilan)**

Toshkent sh

“Date”

“TBC Bank” ATB (keyingi o‘rinlarda “Bank” deb nomlanadi) “DisbursementResponsiblePerson” nomidan Ustav asosida ish yurituvchi, bir tomondan va “FullName” keyingi o‘rinlarda “Omonatchi” deb nomlanadi (JShShIR: “PINFL”, tug‘ilgan kun: “birthdate”) ikkinchi tomondan, birgalikda “Tomonlar” deb nomlanadi, mazkur milliy valyutada muddatli omonat hisobvarag‘i bo‘yicha Shartnomani (keyingi o‘rinlarda “Shartnoma” deb nomlanadi) quyidagilar haqida tuzdilar:

## **1. SHARTNOMA PREDMETI**

- 1.1. Mazkur Shartnoma Omonatchi tomonidan “TBC Bank” ATBning mahsulot va xizmatlarini taqdim etish bo‘yicha Bosh shartlarga (keyingi o‘rinlarda “BSh”), ushbu Shartnomaning shartlariga rozilik bildirish va bank hisobvaraqlarini ochish hamda xizmat ko‘rsatish va boshqa bank mahsulotlarini va xizmatlarini taqdim etish bo‘yicha Ariza/So‘rovni imzolash/qabul qilish orqali tuziladi. Omonatchi uchun masofadan turib muddatli omonat hisobvarag‘ini ochish (20606) va unga Omonatchining mablag‘larini kiritish rozilikni ifodalaydi. Shartnoma muddatli omonat hisobvarag‘iga mablag‘lar kelib tushgan sanadan boshlab tuzilgan hisoblanadi.
- 1.2. Mazkur Shartnoma BSh va Ariza/So‘rovning ajralmas qismidir.
- 1.3. Ushbu Shartnomada foydalanilgan atamalar va ta’riflar BShda ko‘rsatilgan.

## **2. SHARTLAR, PUL MABLAG‘LARINI JOYLASHTIRISH VA QAYTARISH**

- 2.1. Omonatchi ushbu Shartnoma shartlari asosida pul mablag‘larini kiritadi, Bank esa Omonatchidan pul mablag‘larini qabul qiladi hamda ushbu Shartnomada nazarda tutilgan tartibda va shartlarda omonat summasini va hisoblangan foizlarni qaytarish majburiyatini oladi.
- 2.2. **Shartnoma shartlari:**
  - 2.2.1. Foiz stavkalari: “InterestRate” yillik;

- 2.2.2. Omonat muddati (oylar soni): “Terms”;
  - 2.2.3. Muddatli omonat ochish uchun minimal summa: Ushbu turdagi depozit uchun Bankning Tariflariga ko‘ra;
  - 2.2.4. Maksimal summa: Ushbu turdagi depozit uchun Bankning Tariflariga ko‘ra;
  - 2.2.5. Qo‘shimcha to‘lovlar: Ushbu turdagi depozit uchun Bankning Tariflariga ko‘ra;
  - 2.2.6. Pul mablag‘larini qisman yechib olish: Tariflarda belgilangan minimal summagacha;
  - 2.2.7. Omonatni muddatidan oldin to‘liq yopish yoki qisman yechib olish, agar Omonatchi ushbu shartnomada va O‘zbekiston Respublikasi Fuqarolik kodeksining 762-moddasida belgilangan muddatlarga muvofiq Bankni o‘z niyati to‘g‘risida xabardor qilsa, nazarda tutilgan, bunda Bank Omonatchining iltimosini muddatidan oldin bajarishga haqli. Shu bilan birga, hisoblangan va to‘langan foizlarni quyidagi stavkalar bo‘yicha qayta hisoblaydi: “PenaltyRates”. Foizlar bo‘yicha ortiqcha to‘langan summa Bank tomonidan asosiy omonat summasidan ushlab qolinadi;
  - 2.2.8. Agar omonat muddatidan oldin yopilganda omonat bo‘yicha ushlab qolinishi lozim bo‘lgan hisoblangan va to‘langan foizlar summasi omonatdagi qoldiq summadan ko‘p bo‘lsa, omonat muddatidan oldin yopilishi mumkin emas;
  - 2.2.9. Agarda Omonatchi ushbu omonat mahsuloti doirasida Bankdan qo‘shimcha mukofotlar (shu jumladan keshbek) yoki rag‘batlantiruvchi tusdagi boshqa har qanday to‘lovlarni olgan bo‘lsa, Bank ushbu bandning birinchi xatboshisida nazarda tutilgan summalarini ushlab qolishdan tashqari, mazkur Shartnoma tuzilganidan so‘ng Bank Tariflari va rag‘batlantiruvchi aksiyalar shartlariga muvofiq to‘langan barcha qo‘shimcha mukofotlar (keshbeklar) summalarini ham ushlab qolishi mumkin;
  - 2.2.10. Operatsiyalarni amalga oshirish jarayoni ishtirokchilaridan birida yuzaga kelgan texnik nosozlik sababli tizim vaqtincha ishlamasa, ushbu omonat bo‘yicha qo‘shimcha mablag‘ kiritish, uni muddatidan oldin to‘liq yopish, qisman yechib olish va boshqa turdagi operatsiyalarni bajarish imkoni bo‘lmasligi mumkin;
  - 2.2.11. Foizlarni kapitallashtirish: Ushbu turdagi depozit uchun Bankning Tariflariga ko‘ra.
- 2.3. Omonatchi ushbu shartnomani vositalar yordamida akseptlash orqali Bankning [www.tbcbank.uz](http://www.tbcbank.uz) saytida joylashtirilgan mazkur bank mahsuloti bo‘yicha taklif etilgan Tariflar va shartlarga rozi ekanligini tasdiqlaydi.
  - 2.4. Omonat muddati tugagach, pul mablag‘lari faqat naqd pulsiz shaklda Bankda ochilgan istalgan hisobvaraqqa, bank kartasiga yoki virtual kartaga bankning ixtiyoriga ko‘ra o‘tkaziladi.

- 2.5. Omonat muddatidan oldin yopilganda, qisman yechib olinganda, pul mablagʻlari ushbu shartnomada va Oʻzbekiston Respublikasi Fuqarolik kodeksida nazarda tutilgan muddatda faqat naqd pulsiz shaklda Bankda ochilgan istalgan hisobvaraqqa yoki Bankning bank kartasiga yoki virtual kartasiga oʻtkaziladi.
- 2.6. Agar TBC UZ mobil ilovasida “avtomat ravishda uzaytirish” tugmasi yoqilgan boʻlsa, shartnoma omonat yangilangan kuni mahsulot tariflarining amaldagi shartlariga muvofiq avtomatik ravishda yangilanadi. Agar Omonatchi omonat muddatini uzaytirishni istamasa, “avtomat ravishda uzaytirish” tugmasi omonat muddati tugashidan kamida 1 hafta oldin Omonatchi tomonidan oʻchirilishi kerak. Agar Bank Omonatchi bilan shartnoma tuzilgan depozit mahsulotini yopishga qaror qilsa, “avtomat ravishda uzaytirish” tugmasi faollashtirilganidan qatʻi nazar, Shartnoma bekor qilinadi.
- 2.7. Soliq rezidenti maqomiga ega boʻlmagan Oʻzbekiston Respublikasining Omonatchi-norezidentlaridan omonat boʻyicha toʻlanadigan foizlar (daromadlar) summasidan hamda istalgan hisobvaraqlardan akseptsiz tartibda va keyinchalik budjetga oʻtkazgan holda Oʻzbekiston Respublikasi soliq qonunchiligi talablariga muvofiq Bank tomonidan toʻlovlar manbaidan soliq ushlab qolinadi.
- 2.7.1. Agar Omonatchi soliq rezidenti maqomini olgan boʻlsa, Omonatchi BShda kelishilgan aloqa kanallari orqali Bankni bunday oʻzgarish haqida xabardor qilish majburiyatini oladi.
- 2.8. Muddatli omonat hisobvaragʻiga qabul qilib olingan pul mablagʻlari Oʻzbekiston Respublikasi banklarida fuqarolarning omonatlarini kafolatlash fondi tomonidan 18.02.2025 yildagi OʻRQ-1031-son “Banklardagi omonatlarini himoya qilish kafolatlari toʻgʻrisida”gi Oʻzbekiston Respublikasi Qonuniga muvofiq kafolatlanadi.

### **3. FOIZLARNI HISOBLASH VA TOʻLASH**

- 3.1. Foizlar har kuni amalga oshirilgan barcha operatsiyalarni hisobga olgan holda omonat hisobvaragʻidagi eng kichik qoldiq boʻyicha Omonatchining muddatli omonatga pul mablagʻlari kiritilgan kundan keyingi kundan boshlab tegishli ish kunida bir ish kuni ichida Omonatchiga qaytarilishi yoki boshqa sabablarga koʻra muddatli omonatdan toʻliq hisobdan chiqarilishidan oldingi kunigacha hisoblanadi.
- 3.2. Foizlarni toʻlash: Ushbu turdagi omonat uchun Bankning Tariflariga koʻra.
- 3.3. 29.09.2023 yilda roʻyxatdan oʻtgan, roʻyxat raqami 3460 “Tijorat banklarida foizlarni hisoblash tartibi toʻgʻrisidagi” Nizomga muvofiq Omonatchi hisobida omonat haqiqatda joylashtirilgan kalendar kunlarning soni asos qilib olinadi. Shu bilan birga, hisob-kitob qilinadigan kunlar soni bir yilda 365 kun deb olinadi.

### **4. TOMONLARNING HUQUQLARI VA MAJBURIYATLARI**

- 4.1. **Omonatchi huquqlari:**

- 4.1.1. Bankdan muddatli omonatni to'liq talab qilish;
- 4.1.2. Muddatli omonat hisobvarag'ini qo'shimcha mablag' bilan to'ldirish;
- 4.1.3. Bankning ushbu turdagi depozitlar bo'yicha tariflariga muvofiq maksimal miqdordagi muddatli hisobvaraqlar ochish.

#### 4.2. **Omonatchi majburiyatlari:**

- 4.2.1. Mazkur Shartnoma shartlari bilan tanishib chiqish;
- 4.2.2. Hisobvaraqlar bo'yicha operatsiyalarni qat'iy ravishda ushbu Shartnomaga, O'zbekiston Respublikasining amaldagi qonunchiligiga, O'zbekiston Respublikasi Markaziy bank va boshqa vakolatli organlarning normativ hujjatlariga muvofiq amalga oshirish. Omonatchi hisobvaraqlar bo'yicha operatsiyalarni amalga oshirish maqsadida hisobvarag'larni ochish uchun taqdim etilgan hujjatlar va ma'lumotlarning to'g'riligi uchun javobgardir;
- 4.2.3. Hisobvaraqlarga noto'g'ri o'tkazilgan va/yoki hisobdan chiqarilgan mablag'lar aniqlangan taqdirda, bu haqda Bankka har qanday mavjud usulda darhol xabar berish. Noto'g'ri kirim qilingan pul mablag'laridan o'z maqsadlarida foydalanmaslik va ularni darhol Bankka qaytarish uchun barcha choralarni ko'rish. Omonatchi tomonidan noto'g'ri o'tkazilgan pul mablag'lari noqonuniy ushlab qolingan taqdirda, Bank tomonidan O'zbekiston Respublikasining amaldagi qonunchiligida nazarda tutilgan choralar ko'riladi;
- 4.2.4. Manzil va/yoki telefon raqami, shu jumladan mobil telefon, familiya, ismi yoki otasining ismi o'zgarganida, shaxsiyatini tasdiqlovchi hujjat yoki mazkur Shartnoma shartlari bajarilishiga ta'sir qila oladigan boshqa hujjatlar almashtirilganida, BShda belgilangan aloqa kanallari orqali 3 (uch) kalendar kun davomida Bankka xabar berish.

#### 4.3. **Bank huquqlari:**

- 4.3.1. Tegishli davlat organlaridan ijro hujjatlari kelib tushganda, Omonatchining e'tirozlaridan qat'i nazar, O'zbekiston Respublikasi qonunchiligida belgilangan tartibda choralar ko'rish (pul mablag'larini xatlash, ularni akseptsiz tartibda hisobdan chiqarish, hisobvaraqlar bo'yicha operatsiyalarni to'xtatib turish va boshqalar), shuningdek, Omonatchining hisobvaraqlariga pul mablag'lari xato qabul qilinganligi (o'tkazilganligi) fakti aniqlangan taqdirda, ularni qaytarish uchun muddatli omonat hisobvarag'i bo'yicha hisoblangan va to'langan mukofotni akseptsiz tartibda hisobdan chiqarish;
- 4.3.2. Bank yangiliklarini, shuningdek, Omonatchining muddatli omonat hisobvarag'idan amalga oshirilgan operatsiyalar to'g'risidagi ma'lumotlarni uning arizada/buyurtmanomada ko'rsatilgan mobil aloqa raqamiga SMS/push-xabarlar ko'rinishida yoki ko'rsatilgan elektron pochta manziliga yuborish;
- 4.3.3. Jinoyatchilik yo'li bilan olingan daromadlarni legallashtirish va terrorizmni moliyalashtirishga qarshi harakat etish maqsadida, Bank Omonatchidan uning

muddatli omonat hisobvarag'i bo'yicha amalga oshirilayotgan operatsiyalarni qonuniyligini tasdiqlovchi ma'lumot va hujjatlarni taqdim etilishini talab qilish huquqiga ega;

- 4.3.4. O'zbekiston Respublikasining amaldagi qonunchiligida hamda jinoyatchilik faoliyati va terrorizmni moliyalashtirishdan olingan daromadlarni legallashtirishga qarshi kurashish to'g'risidagi qonunchilikda belgilangan holatlarda muddatli omonat hisobvarag'i bo'yicha operatsiyalarni va foizlar hisoblanishini to'xtatib turish yoki ularni amalga oshirishdan bosh tortish;

#### 4.4. **Bank majburiyatlari:**

- 4.4.1. Muddatli omonat hisobvarag'idagi pul mablag'larini va hisoblangan foizlarni Omonatchiga mazkur Shartnomada belgilangan tartib va shartlarga muvofiq qaytarish;
- 4.4.2. Hisobvaraqdagi pul mablag'larining xavfsizligini va yaxlitligini ta'minlash. Hisobvaraqdagi mablag'larni xatlash yoki hisobvaraqlar bo'yicha operatsiyalarni to'xtatish O'zbekiston Respublikasining amaldagi qonunchiligida belgilangan holatlardagina amalga oshiriladi.

### 5. **BANK SIRI**

- 5.1. Bank O'zbekiston Respublikasining "Bank siri", BSh va O'zbekiston Respublikasining boshqa qonunchilik hujjatlariga muvofiq bank sirini tashkil etuvchi Omonatchi to'g'risidagi ma'lumotlar maxfiyligi va saqlanishini kafolatlaydi.
- 5.2. Bank sirini tashkil etuvchi ma'lumotlarni Bank Omonatchiga yoki uning vakolatli vakiliga uning (yozma ravishda yoki elektron ko'rinishda taqdim etilgan va Omonatchi ma'lumotlarini to'liq identifikatsiyalashtirganidan so'ng) so'roviga muvofiq taqdim etishi mumkin.
- 5.3. Bank sirini tashkil etuvchi Omonatchi to'g'risidagi ma'lumotlar uchinchi shaxslarga O'zbekiston Respublikasining amaldagi qonunchiligida belgilangan tartibda taqdim etiladi.

### 6. **TOMONLARNING JAVOBGARLIKLARI**

- 6.1. Tomonlar o'z zimmasiga olgan majburiyatlarini bajarmaganliklari yoki lozim darajada bajarmaganliklari uchun, BSh va mazkur Shartnomani bajarmagan Tomon O'zbekiston Respublikasining amaldagi qonunchiligida belgilangan tartibda javobgardir.
- 6.2. Mazkur Shartnoma shartlariga rozi bo'lish orqali Omonatchi o'zi joylashtirgan pul mablag'larining qonuniy manbaga ega ekanligini hamda jinoiy faoliyatdan olingan daromadlarni legallashtirish, terrorizmni moliyalashtirish va ommaviy qirg'in quroli tarqatilishini moliyalashtirish jarayonlariga jalb etilmaganligini kafolatlaydi.

- 6.3. Bank Omonatchi tomonidan amalga oshirilgan operatsiyaning qonuniyligi yozma ravishda tushuntirilgunga qadar ushbu xizmatni ko'rsatishni to'xtatib turish yoki Omonatchi tomonidan muddatli omonat hisobvarag'idan foydalangan holda amalga oshirilgan shubhali operatsiyalar aniqlangan taqdirda ushbu xizmatni ko'rsatishni rad etish huquqini o'zida saqlab qoladi.

## **7. ALOHIDA SHARTLAR**

- 7.1. Bank tomonidan olingan shaxsiy ma'lumotlar quyidagi maqsadlar uchun foydalaniladi va foydalanilishi mumkin:
- 7.1.1. Omonatchi foyda oluvchi yoki manfaatdor tomon hisoblangan shartnomalarni tuzish va bajarish;
  - 7.1.2. Omonatchining huquqlari va majburiyatlarini lozim darajada bajarilishini ta'minlash;
  - 7.1.3. Ma'lumotlarni tekshirish, shu jumladan firibgarlik bilan bog'liq operatsiyalarga yo'l qo'ymaslik maqsadida;
  - 7.1.4. Shartnomalarni bajarish bilan bog'liq ma'lumotlarni, uchinchi tomonlar bilan birgalikda olib borilayotgan dasturlarda ishtirok etuvchi uchinchi shaxslar ma'lumotlarini Omonatchiga ma'lum qilish;
  - 7.1.5. Sug'urta, pochta tashkilotlariga, aloqa tashkilotlariga taqdim etish;
  - 7.1.6. Bank tomonidan statistik va/yoki marketing tadqiqotlarini o'tkazish va/yoki Omonatchini Bankning yangi mahsuloti va xizmatlari hamda Bank hamkorlari haqidagi ma'lumot to'g'risida xabardor etish;
  - 7.1.7. Muddati o'tgan Qarzdorliklarni undirish maqsadida davlat va boshqa tashkilotlarga taqdim etish;
- 7.2. Omonatchi muddatli omonat hisobvarag'idagi pul mablag'larini mustaqil ravishda o'z ixtiyoriga ko'ra boshqaradi, BShda, mazkur Shartnomada hamda amaldagi qonunchilikda belgilangan holatlar bundan mustasno.
- 7.3. Bank Omonatchining pul mablag'laridan foydalanish usulini belgilash va nazorat qilish, shuningdek, pul mablag'laridan foydalanish va ularni boshqarish bo'yicha Omonatchini huquqlariga nisbatan cheklovlarni belgilash huquqiga ega emas.
- 7.4. Shartnomada belgilanmagan Bank va Omonatchi o'rtasidagi o'zaro munosabatlar BSh hamda O'zbekiston Respublikasining amaldagi qonunchilik talablariga muvofiq tartibga solinadi.
- 7.5. Tomonlar uchun Omonatchining hisobvarag'i bo'yicha operatsiyalarni amalga oshirish tartibi O'zbekiston Respublikasi Makraziy bankining normativ va huquqiy hujjatlari asosida belgilanadi va har ikki Tomon uchun majburiydir.

## **8. MUDDATLI OMONAT HISOBVARAG'INI YOPISH VA SHARTNOMANI BEKOR QILISH TARTIBI**

- 8.1. Muddatli omonat hisobvarag'ini yopish uchun Omonatchining ixtiyoriga ko'ra yoki O'zbekiston Respublikasining amaldagi qonun hujjatlariga muvofiq ushbu Shartnomaning bekor qilinishi asos bo'ladi.
- 8.2. Shartnoma aksept qilingan vaqtdan boshlab kuchga kiradi, ma'lum muddatga tuzilgan va ushbu Shartnomaning 2.2.2-bandida ko'rsatilgan muddatgacha amal qiladi yoki Omonatchining tashabbusi bilan istalgan vaqtda yoki Bankning talabiga ko'ra sud tomonidan, Omonatchining o'z zimmasiga olgan shartnoma majburiyatlarini bajarmaganligi sababli yoki O'zbekiston Respublikasining amaldagi qonunchiligida nazarda tutilgan boshqa hollarda bekor qilingunga qadar amal qiladi.
- 8.3. Barcha o'zgarishlar va qo'shimchalar mazkur Shartnomaga BShda ko'rsatib o'tilgan tartibda kiritiladi.